

आकाशवाणी

खबरां ----

1. राष्ट्रपति द्रौपदी मुर्मू होरें रूस दे राष्ट्रपति व्लादिमीर पुतिन हुं'दे सम्मान च कल राष्ट्रपति भवन च धाम दी मेजबानी कीती।
2. समूलचा राष्ट्र अज्ज भारत रत्न डॉ. बी.आर अम्बेडकर होरें गी उं'दी 70मीं बरसी पर श्रद्धांजलि अर्पित करा'रदा ऐ।
3. प्रधानमंत्री नरेंद्र मोदी ते रूस दे राष्ट्रपति व्लादिमीर पुतिन होरें कल नमीं दिल्ली च 23में भारत-रूस सालाना शिखर सम्मेलन दी सांझे तौरा पर अध्यक्षता कीती। दौनें मुखें बश्कार बक्ख-बक्ख खेत्तरे च 16 समझौते कीते गए न।
4. गृह मंत्री अमित शाह होर अज्ज गुजरात च संसदीय सलाह सूत्र कमेटी दी त्रीऽ बैठक दी प्रधानता करडन।
5. भारत नै एफ.आई.एच जूनियर हॉकी वर्ल्ड कप दे कल होए दे इक रोमांचक मुकाबले च बेल्जियम गी हराइयै सेमीफाइनल च थाहर पक्की करी लैती ऐ।

<><><><><><>

## Prez. Putin Banquet

राष्ट्रपति द्रौपदी मुर्मू होरें रूस दे राष्ट्रपति व्लादिमीर पुतिन हुं'दे सम्मान च कल रातीं धाम दी मेज़बानी कीती। इस मौके पर राष्ट्रपति होरें भारत ते रूस दी बशेश सामरिक सांझ-भ्याली दे प्रति पुतिन हुं'दी व्यक्तिगत वचनबद्धता ते समर्थन दी बड़ी मती सराहना कीती। राष्ट्रपति होरें आखेआ जे श्री पुति हुं'दा ते भारत दा दौरा दौनें मुख्यें बशकार सामरिक सरबंधें च इक मील दा पत्थर ऐ कीजे एह दौरा भारत ते रूस दी सामरिक सांझ-भ्याली दी 25मीं ब'रे गंड दे मौके पर होआ करदा ऐ। राष्ट्रपति मुर्मू ते श्री पुतिन होरें एह विश्वास जाहिर कीता जे दौनें देशें बशकार दोस्ती, जेड़ी समें दी कसौटी पर खरी उतरी दी ऐ, अग्रे बी मजबूती कन्नै बरकरार रौह्ग।

<><><><><><>

## Ambedkar-Mahaparinirbaan Divas

समूलचा राष्ट्र अज्ज भारत रत्न डॉ. बी.आर अम्बेडकर होरें गी उं'दी 70मीं बरसी पर श्रद्धांजलि अर्पित करा'रदा ऐ। इस सरबन्धै च अज्ज मुख्य भरै च केई कार्यक्रमें दा आयोजन कीता जा'रदा ऐ, जिंदे च डॉ. अम्बेडकर हुंदे राष्ट्र लेई बेजोड़ योगदान पर लोऽ पाई जाह्ग। राष्ट्रपति द्रौपदी मुर्मू, उप- राष्ट्रपति सी.पी राधाकृष्णन, प्रधानमंत्री नरेंद्र मोदी, लोसभा स्पीकर ओम बिरला ते होर दुए नेता बी अज्ज संसद भवन परिसर च डॉ. अम्बेडकर होरें'गी पुशपांजलि अर्पित करडन।

<><><><><><>

## Indo-Russia Agreement

प्रधानमंत्री नरेन्द्र मोदी ते रूस दे राष्ट्रपति व्लादिमीर पुतिन हुन्दे बश्कार नमी दिल्ली च बैठक मगरा रक्षा, व्यापार, अर्थव्यवस्था, स्वास्थ्य, शिक्षा, संस्कृति ते मीडिया कन्नै सरबन्धित क्षेत्रें सनें केई समझौते पर दस्तखत कीते गए। नमी दिल्लीं च 23में भारत-रूस सालाना शिखर सम्मेलन च राष्ट्र पति व्लादिमीर पुतिन हुन्दे कन्नै सांझै संवाददाता सम्मेलन गी सम्बोधित करदे होई प्रधानमंत्री नरेन्द्रा मोदी होरें आक्खेआ जे राष्ट्रपति पुतिन हुन्दी यात्रा ऐसे समें च होई ऐ जिसलै भारत कन्नै केई ऐतिहासिक सरबन्धें च खास प्रगति होई ऐ। उने आक्खेआ जे पिच्छले 10 बरें च विश्वल नै केई उतार-चढ़ाव दिखे न। इने सबनें दे चलदे भारत-रूस दे सरबन्ध समें दी कसौटी पर खरे उतरे न। प्रधानमंत्री होरें आक्खेआ जे दवै देशै यूरिया उत्पादन च नेडमा सहयोग करडन। उने दस्सेआ जे लगभग 25 वरे पैहले राष्ट्रपति पुतिन होरें भारत-रूस दी कार्यनीतिक साझेदारी दी नीहू रक्खी ही। प्रधानमंत्री होरें आक्खेआ जे 15 वरे पैहले 2010 च साझेदारी गी खास ते विशेषाधिकार हासिल कार्यनीतिक साझेदारी दे स्तर तकर बदाया गेआ। बैठक दौरान दोनें नेताएं 2030 तकर भारत-रूस आर्थिक सहयोग दे महत्वपूर्ण क्षेत्रें दे विकास दे इक कार्यक्रम गी मंजूरी दिती। दोनें नेताएं दपक्खी सरबन्धें दी प्रगति दी समीक्षा ते आपसी हित आहले क्षेत्रीय ते वैश्विक मुद्दें पर विचारें दा आदान-प्रदान कीता।

<><><><><><>

## BJP MP

भाजपा सांसद दिनेश शर्मा होरें आक्खेआ ऐ जे भारत ते रूस रिवायती तौर पर पूरक साझेदार दे तौर पर कम्म करदे रेय न। कांग्रेस नेता राहुल गांधी हुंदे इस आरोप पर जे

विपक्ष दे नेता गी औने आहले मन्ने-परमन्ने दे लोकें कन्नै मिलने दी इजाजत नेई ऐ, पर शर्मा होरें आकाशवाणी समाचार कन्नै गल्ल करदे होई आखेआ जे गांधी होरें गी ऐसे बयानै थमां बचना लोड़चदा। भारत ते रूस रिवायती तरीके कन्नै इक दुए दे पूरक दे तौर पर कम्म करदे न ते इक सच्ची ते लम्मी दोस्ती दौनें दे बश्कार ऐ ते इस दोस्ती दा पूरी दुनिया दे केई सारे मुलखें पर असर बी पौंदा ऐ ते इक सच्चे दोस्तें आहला लेखा बर्ताव हुंदा ऐ।

<><><><><><>

### HM-PCC Meeting

केंद्री गृह ते सहकारिता मंत्री अमित शाह अज्ज गुजरात च सहकारिता मंत्रालय दी संसदी सलाह-सूत्तर कमेटी दी त्रीऽ बैठक दी प्रधानता कीती। गुजरात दे त्र'ऊं दिनें दे दौरे पर गेदे श्री शाह होर सनादर च बनाव डेयरी दे बायो सी.एन.जी ते हैलें सरबन्धी प्लांट दा उद्घाटन करडन ते इस जनसभा अगगे भाशण बी देडन। शाह हुंदा अज्ज गुजरात च केई सारे कार्यक्रमें च शामिल होने दा प्रोग्राम ऐ।

<><><><><><>

### Shah-Cooperative

गृह ते सहकारिता मंत्री अमित शाह होरें कल आखेआ ऐ जे सरकार, सहकारिता क्षेत्र दे दायरे दा विस्तार करने आस्तै अथक जतन करा'रदी ऐ ते तौले गै मुख्य भरै च सहकारी टैक्सी, सहकारी बीमा ते सहकारी समितियों बश्कार सहयोग जनेई पैहलकदमियां शुरू करोग। गुजरात दे गांधीनगर दे महात्मा मंदिर च नाबार्ड-आईएएमआई अर्थ समिट 2025 दे उद्घाटनी सत्र च श्री अमित शाह होरें फीह दोहराया जे ग्रामीण अर्थव्यवस्थाएं गी मज़बूत कीते बगैर विकसित भारत दा सुखना साकार नेई होग। उने आखेआ जे सहकारी क्षेत्र दा

विकास आपू गै ग्रामीण ते कृषि विकास यकीनी करौग। केन्द्री य मंत्री अमित शाह होरें आक्खेआ जे सरकार दा लक्ष्यम औने आहले बरें च देशै दे सकल घरेलू उत्पाद च सहकारी क्षेत्र दे योगदान गी त्रै गुना बदाना ऐ। प्रौद्योगिकी दे बारे च श्री शाह होरें आक्खेआ जे नाबार्ड दी सहकार सारथी पैहल ग्रामीण सहकारी बैंकें आस्तै लाहकारी साबित होग। दो दिन दे शिखर सम्मेलन च अमित शाह होरें सहकार सारथी, सहकार सेतु, अभियान साथी ते पैक्स साथी सनें केंई पहलकदमिऐं दी शुरुआत कीती, जिन्दा मकसद ग्रामीण बैंकिंग प्रणाली गी मज़बूत करना ऐ। इस सम्मेलन दा विशे ऐ ‘वैश्विक बदलाव आस्तै ग्रामीण नवाचार गी सशक्त बनाना’। इसदे थ्वा पैहले शाह होरें अहमदाबाद च स्वदे-शोत्सव दा उद्घाटन कीता।

<><><><><><>

## Wadra

दिल्ली दी इक विशेष अदालत अज्ज बरतानिया च रवा करदे रक्षा डीलर संजय भंडारी कन्नै जुडे दे पैहें दे गैर कनूनी लैन-देन आहले मामले च कांग्रेस अध्यक्ष सोनिया गांधी हुंदे जोआई ते कारोबारी राबर्ट वाड्रा गी आरोपी बनाए जाने सरबन्धी ई.डी दिऐं दलीलें पर सुनवाई करी सकदी ऐ। पिछले म्हीने अदालतै मनी लांड्रिंग सरबन्धी कनून तैहत दिल्ली दी राउज एवेन्यू अदालतै च शकैत दर्ज कराई ही। अधिकिरऐं मुजब वाड्रा दा बयान पी.एम.एल.ए दे तैहत इस बरै जुलाई च रिकार्ड कीता गेआ हा। पैहें दे गैर कनूनी लैन-देन पर रोकथाम सरबन्धी एजेंसी नै राबर्ट वाड्रा दा सरबन्ध विदेश च होए दे पैहे दे लैन-देन ते भंडारी दिऐं संपत्तिऐं कन्नै दस्सेआ ऐ।

<><><><><><>

Waqf Kiran Rijju

अल्प संख्यक मामलें दे मंत्री किरन रिजिजू होरें भरोसा दित्ता ऐ जे सरकार अगले त्रै महीने तगर उनें लोकें पर कोई जुर्माना नेई लाग ते नां गै सख्त कार्रवाई करोग जिनें उम्मीद पोर्टल पर वक्फ संपत्तिएं दा पंजीकरण नेई कराया ऐ। कल एहदा अखीरला दिन हा ते लक्खां बहियां संपत्तियां अजें बी पंजीकृत नेई होइयां ना। नमीं दिल्ली च पत्रकारें कन्नै गल्ल करदे होई रिजिजू होरें आखेआ जे एहू फैसला केई सांसदें ते समुदाय दे प्रतिनिधिएं आसेआ मुतवल्लिएं दे सामने औने आहली चुनौतिएं दा हवाला दिंदे होई बादू समें दा अनुरोध करने मगरा लैता गेआ। रिजिजू होरें आखेआ जे सुप्रीम कोर्ट नै अपने निर्देशें च साफ कीता ऐ जे 6 महीनें दी समें सीमा दे मगरा तरीक नेई बदाई जाई सकदी पर जेकर पंजीकरण प्रक्रिया च कोई समस्या ऐ तां न्यायाधिकरण कश इसी 6 महीने तगर अगो बदाने दा हक्क ऐ।

<><><><><><>

### Junior WC Men's Hockey

भारत नै एफ.आई.एच जूनियर हॉकी वर्ल्ड कप दे कल होए दे इक रोमांचक मुकाबले च बेल्जियम गी हराइयै सेमीफाइनल च थाहर पक्की करी लैती ऐ। भारत दी तरफा गोलकीपर प्रिंसदीप सिंह नै रोमांचक शूटआउट च कई गोल होने थमां रोके जेदे चलदे भारत नै बेल्जियम गी 4-3 कन्नै शिकस्त दिती। एहदे शा पैहले खेद मुक्कने दे तय समें तोड़ी दवें टीमां दो-दो दी बरोबरी पर हियां। मगरा होए दे शूटआउट मुकाबले च भारत दे शारदानंद तिवारी नै त्रै स्ट्रोकस गी गोल च तब्दील कीता जिसलै के गोलकीपर प्रिंसदीप नै कई गोल होने थमां रोके।

<><><><><><>